

Proceso de distribución electoral en México

Ná Mixíi xùgii xàbo, gò'o jamí xàbejká, nùñii votar idó rí nùriyáa xàbo ñà'jún tsí ma'ñúu representar o marigú' inúu. Àwúun ñajún rigé' nakújmá rí mijnúu xàbo nduyá idxúu tsá ma'tháa mbàa numuu náa àwúun natsú poderes rí rigá náa xuajíánló'; Ejecutivo, Legislativo jamí Judicial. Àwúun Poder Legislativo nàjúun náa nagumá jamí nàgajnúu xtàngòò rí rigá náa xuajíánló' Mixíi, gèjío' jùwá mbòò ñajúun diputados jamí senadores.

Diputados ñajúun xàbo ñà'jún tsí nuñuu representar xuàjìin náa Congreso de la Unión, jamí wàmbá atsú tsigú naxti'khúu.

Náa Mixíi xúgíi votos gíjdóo nùmuu àgajné drígúu gó'o àgajné drígúu xàbejká. Rí màgèjdóo nùmuu jné, idó rí nàgájnúu diputados nàwi'tháa xóo màkuí'jín xùgii xúajín jamí nawí'yáa xí màjàn mbí'tháa jùdírá'iin xàbo. Khájngó wàmbáa diputado mbí'tháa àguà'dii xàbo tsí mùñuu representar. Xóo nàwí'tháwíin xùajín mbi'yúu distritos electorales, ìkháa jmá àgajñúu xí nànguá mbí'tháa kuéjen jubá ná juwá xàbo rí gíjdóo nùmuu ñàjúun rí mbí'thaa gí'díi xàbo.

Xtàngòò mbàa rí mbi'yúu Constitución Política de los Estados Unidos Mexicanos nà'thá rí xuajíánló' Mixíi nawi'tháa 300 distritos jamí wàmbá àwúun distrito nàgajnúu mbá diputado federal. Jamí xu'khué xtàngoo Constitución Política rí rigá wàmbá estado nà'thá jamí ndá'yóo wàthíi diputados locales màgajnúu según wathá distritos electorales gíjdíi.

¿Qué es un distrito electoral?

Distrito electoral ñàjúun xóo nàkúejen jamí nàgui'dáa rá'iin wàmbíi xuàjín tsí juwá àwúun xuajíánló' Mixíi o tsí juwá wàmbá estado drigá'ló', tsigé' gijmáa rí mbí'tháa màgíjdíi xàbo kájngó màgóo màgajnúu diputados, jamí xu'khué wàmbáa diputado mbi'tháa agíjdíi xàbo o xuajín tsí mbá'yoo numuu.

¿Qué es la distribución electoral?

Ñájúun ñajún rí nà'né Instituto Nacional Electoral (INE) kàjngó mbi'yáa xí maján nikuejé wàmbá distrito electoral ná Mixíí òò wàmbá estado.

¿Para qué sirve?


Khàjngó mbí'tháa atú'uun jamí àjuwá xàbo àwúun wàmbá distrito electoral, mbí'tháa àjuwá xàbo ñajún tsí muñuu representar xuajín ná Mixíí, jamí xu'khué wàmbá voto magijdóo nùmuu.

¿Por qué es necesaria la distribución electoral?

Gijmáa rí màrigá distribución jmá xu'khué porque nàxtí'khúu jmá xù'khué guatíí xàbo juwá' àwúun xuajín. Tìkhúun xàbo nàgumii, tìkhúun najáñuu, ì'wíín nàri'kuui náa juwá', rigé najné rí nànguáa mbí'tháa distritos òò xuajín phú gi'dii xàbo òò imbá rí nànguáa juwá' xàbo awúun wambáa tsiguíí. Rù'khó kàjngó gijmáa rí magumátiaxíí jamí magumá tiawáan jmá xu'khué rí xugii distritos electorales mbí'tháa àgua'díí xàbo.

¿Cuáles son las reglas para la distribución?

Rí màgumá kúmáa distritos electorales gijmáa rí wàmbá distrito mbí'tháa àgi'díí xàbo, gijmáa rí mbá jáñii municipios machúu awúun mbá distrito, maxaxóo mothówii xuajen tsí lakíín, mbá jndí i'gii xóo mage'é jné, muwíi xuajen khàjngó mbuyáa rí ndáyóo xuajiún jamí gijmáa rí majuwáa xugíí xuajín agajne xàbo tsí nuthá xtíloo jamí tsí nuthá àjngáa mè'phàà, tun savi, náhuatl jamí i'wii kàjngó xugíí majuwá muñii participar náa awún política.



¿Cuándo se realiza y cómo se realiza?

Tsigú 2016 jamí 2017 INE mbá'yóo xóo makuéjen xuajín a nivel federal jamí local jamí tsí majné ñajúun distritos wàmbá estado como; Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco jamí Yucatán.

Wàmbá estado marigá foros khàjngóo INE maxnaxé òò ma'thúu xàbo xóo ja'nii ñajúun rí distribución electoral, gejió' majuwáa xugii xàbo ñajún tsí nuñuu representar xuajen, mbá xugíí partidos políticos, majuwáa diputados locales, mbá xugíí xàbíí INE jamí i'wii xàbo tsí nandúu majuwáa.

Idó rí magi'dúu proyecto de distribución ná juwá' xuajen júbáa, INE maraxúu xugíí xuajín xóo iñúu maguanuu awúun wambá distrito jamí xí naxnúu idxúu xóo ikhára guanuu wàmbíi xuajen tsí muñii conformar mbá distrito electoral, jamí xu'khué xugii xuajén gijmáa magidá idxú náa rí distrito majuwá' awúun.

¿Quiénes participan?

Gejió' majuwáa xugíí xàbo ñà'jún tsí nuñíí representar wambá xuajen, mbá xugíí partidos políticos tsí ñajúun presidentes municipales, majuwáa diputados locales jamí i'wii xàbo tsí nandúu majuwáa.

¿Cuándo se realiza y cómo se realiza la consulta?

Nawii mbá'ii xabó jamí mbá'ii xuajen idó narigá' foros wàmbá estado jamí ikhíi najuwá' xugíí xàbó tsí nuñuu representar wambá partidos ná awúun xuajen jubáa. Gejió' nawi'thúu xàbo xóo ja'nii nakarágumá ñajún idó nawii xuajen jubáa rí majuwá' awún mbá distrito electoral, naguataxnaxúu iyé mbuyá xí naxnúu idxúu òò nanguá kàjngóo nakhú rí naguaa idxú muxnaxíi iyé mbuyáa mbóo nañajún náa INE.

Xàbo ñajún muxumáa iyíi inúu INE rí jngíí mijngíi ná juwá'. Xí niyambá niwi'yáa xóo makuejé wàmbá distrito electoral jamí xugíi xuajen nixná jumá INE mathángáa ma'thúu xugíí xàbo xóo niguánúu xugii xuajén awún distrito electoral, asndó indáwáa rí nagé'e mujun xuajen tsí majné distrito electoral.

Rí maján jamí gamakhú agájnúu ñajún idú magumá traxúu xugíi xuajen jubá INE magumá támbáyíi agajné Instituto Nacional de las Lenguas Indígenas (INALI), jamí xu'khué Comisión Nacional para el Desarrollo de los Pueblos Indígenas (CDI).

¿Quiénes participan en la consulta?

Xugíí xàbo ñajún tsí nuñuu representar wàmbá xuajen tsí juwá náa jubá; Mè'phàà, Tun Savi, Nahuatl, Amuzgos jamí i'wíí.

Atraxé! Mbàa xuajián'ló' Mixíí xí xugiáa juwáaló', ¡ayé!